



Republika e Kosovës
Republika Kosova
Republic of Kosovo



REPUBLIKA E KOSOVËS
REPUBLIKA KOSOVA
KOMUNA E KAÇANIKUT
OPŠTINA KAÇANIK



Komuna e Kaçanikut
Opština Kaçanik
Municipal Kaçanik



I	Data 29.05.23	Vendi KAÇANIK
Nj. org.	Numri	Shtojcë
01	104/02-11355	/

Procesverbal:

Datë 29.05.2023, ora: 11:00

Vendi: Salla e Kuvendit Komunal- Kaçanik

Tema: Rregullore PËR MËNYRËN DHE KUSHTET E SHFRYTËZIMIT TË SHTËPISË SË KULTURËS "XHELADIN KURTAJ "NË KOMUNËN E KAÇANIKUT

Komuna e Kaçanikut përmes Drejtorisë së Kulturës, Rinisë dhe Sportit, duke u bazuar në ligjin Nr.03/L-040 për Vetëqeverisje Lokale, Statutin e Komunës, dhe nenin 6 pika 1.6 të Udhëzimit Administrativ (MAPL) Nr.06/2018 për Standardet Minimale të Konsultimit Publik në Komuna, ka organizuar konsultim publik me temë:

Rregulloren PËR MËNYRËN DHE KUSHTET E SHFRYTËZIMIT TË SHTËPISË SË KULTURËS "XHELADIN KURTAJ "NË KOMUNËN E KAÇANIKUT

Mbledhjen e kryesoi **Muharrem Ahmetaj**-Drejtor i Shtëpisë së Kulturës ndërsa prezent ishin edhe anëtarët e Komisionit për përpilimin e kësaj draft rregulloreje.

Proces mbajtës u propozua **Fatmir Qaka**-pjesë e stafit të DKRS-së.

Pjesëmarrës në këtë diskutim publik ishin përfaqësues nga OJQ të cilët gravitojnë në këtë objekt dhe si temë diskutimi ishte shqyrtimi i kësaj draft rregulloreje para se kjo draft rregullore të dalë në kuvend për miratim.

Muharrem Ahmetaj si kryesues i këtij diskutimi publik së pari njoftoi të pranishmit se kjo draft rregullore ka qenë e shpallur në faqen e komunës që çdo kush ka pasur kohën për ta lexuar dhe sot të jenë të gatshëm për të dhënë ndonjë sugjerim por që sërish ne jemi këtu për tu konsultuar apo për të pranuar ndonjë sugjerim nga ju që kjo draft rregullore të plotësohet dhe të përcillet për kuvend për miratim.

Pas një prezantimi të shkurtë kryesuesi hapi diskutimin për të pranishmit.

Naim Hysa-kërkoj sqarim rreth nenit 12 pika 2.6 dhe 2.7-a mundë të ceket që edhe Kryqi i Kuq të jetë pjesë e subjekteve që nuk obligohet pagesa dhe çështja e parkingjeve a mundë të shfrytëzohen nga ata të cilët kanë zyre me kontratë. Gjithashtu dhënia e hapësirës për një vit a ka ndonjë çmim.

Muharrem Ahmetaj-ka arsye që të përmendet edhe Kryqi i Kuq ngase ka një kontratë me komunë për shfrytëzimin e zyrës e gjithashtu është shoqatë humanitare. Parkingjet mundë të i shfrytëzojnë të gjitha subjektet që kanë zyre me kontratë nga komuna.

Fatos Vishi-dhënia e hapësirës me qira është e përcaktuar në këtë draft rregullore në nenin 8.

Izedije Gula-jemi një organizatë që para pak kohësh jemi themeluar dhe kemi bërë një kërkesë për zyrë pran DKRS por që ende nuk kemi pranuar ndonjë përgjigje.

Fatos Vishi-koha kur ju keni bërë kërkesë për zyrë kemi qenë në fazën e përpilimit të draft rregullores dhe ne u kemi kthyer përgjigje që pas miratimit të kësaj rregulloreje në kuvend do ta keni edhe një përgjigje të plotë duke u bazuar në këtë rregullore.

Muharrem Ahmetaj-pas miratimit të kësaj rregulloreje në kuvend atëherë edhe ne do ta kemi një bazë për të vepruar në shqyrtimin e kërkesave nga palët e interesuara në shfrytëzimin e këtij objekti.

Afrim Fuga-çështja e shfrytëzimit të hapësirave me pagesë , a vlen për të gjithë që e shfrytëzojnë këtë objekt apo vetëm për ata që e shfrytëzojnë për përfitime.

Muharrem Ahmetaj-kjo çështje gjithashtu është e përcaktuar në këtë draft rregullore.

Elmihane Krasniqi-e di që kjo draft rregullore ka qenë prezente në rrjetet sociale edhe në faqën e komunës, por që nuk e kam lexuar dhe më intereson të dijë se deri kur ne mundemi të japim ndonjë sugjerim.

Fatmir Qaka-në njoftimin publik të komunës diskutimi publik ka qenë për sot ora 11:00 por që u është dhënë edhe një mundësi që edhe pas këtij diskutimi deri ora 16:00 ju mundë të dërgoni ndonjë koment apo sugjerim në një adresë që e kemi shënuar në njoftim.

Diskutime tjera nuk pati dhe kryesuesi e përmbylli këtë takim me shpresë që kjo rregullore të miratohet në seancën e radhës së kuvendit komunal me qëllim që palët e interesuara për shfrytëzimin e këtij objekti të jenë më mirë të informuar gjatë përpilimit të kërkesave të tyre.

Procesmbajtës:

Fatmir Qaka

